

Te ripōti tei 'akako'uko'u'ia



Social Cohesion Guide for Communities


Te ripōti tei 'akako'uko'u'ia no runga i te turanga 'ātuitui'anga meitaki

E ripōti te 'akamārama ra i te turanga 'ātuitui'anga meitaki i Aotearoa nei, te ripōti tei 'akako'uko'u'ia no runga i te turanga 'ātuitui'anga meitaki, tei 'akapapa'ia ki runga i te 'akakitekite'anga e vai nei. E tango teia no te 'akamata'anga no te vāito i te turanga 'ātuitui'anga meitaki no te tuātau ki mua.

I roto ia Aotearoa, ka tupu te 'ātuitui'anga meitaki, me "ātui te tangata i teta'i ki teta'i, te ngākau 'oa'oa, e te 'ārikiriki, te tomo'anga ki roto i te au 'anga'anga, te 'akangāteitei'ia'anga, te turanga 'āiteite ki teta'i ua atu, e te 'irinaki'anga i teta'i atu, e te au putuputu'anga a te kavamani.

Kia tupu te turanga 'ātuitui'anga meitaki, e tau i reira, kia ponuiā'au te au ngā'i e no'o ana te tangata, te 'anga'anga, te kangakanga, e te tāmou'anga 'āpi'i, no teta'i ua atu, e te turturu; e kia tau te au turanga tauturu i roto i te ora'anga, e kia rauka i te tauturu i te au anoano tūkētūkē, e te au manamanatā.


Kare e rāvenga 'okota'i, no te vāito'anga i te turanga 'ātuitui'anga meitaki i roto i Aotearoa, no reira ka tā'anga'anga matou i te au tu 'akakitekite'anga, e te au tātā'anga, kia mārama meitaki matou, i te 'akara'anga o te turanga 'ātuitui'anga meitaki. Kua tā'anga'anga matou



i te au tātā'anga e vai nei, e te au kimikimi'anga kite, tei ko'iko'ia, mei roto i te mata'iti 2016 ki te mata'iti 2021. I te ma'ata'anga o te taime, kua kitea mai te au 'akakitekite'anga meitaki rava atu, no runga i te turanga 'ātuitui'anga meitaki, māri ra, i teta'i taime, kare te 'akakitekite'anga e 'akaāri mai ana, i te au turanga manamanatā, no runga i te turanga 'ātuitui'anga meitaki. Teia te 'ākara'anga, kare te 'akakitekite'anga tei ko'iko'ia ana, e rauka kia tā'anga'anga'ia, i te 'akamārama'anga i te turanga 'ātuitui'anga meitaki, i te au taime ravarāi, no te au putuputu'anga rikiriki i roto i te 'oire tangata.

Te 'akakite mai nei te 'akakitekite'anga e, ma'ata ua atu te aronga te no'o nei ki roto i Aotearoa, ki raro ake i te turanga 'ārikiriki'ia, 'irinaki'ia, te tomo'anga ki roto i teta'i ua atu 'anga'anga, e te ora'anga meitaki. Māri ra, kua 'o'ora katoa ia mai e, kare e ko teia, ta te katoatoa e kite ana. Teia te 'ākara'anga, te 'akaāri mai nei te au tātā'anga no runga i te Māori, i to ratou turanga meitaki rava atu, no te turanga 'ārikiriki'ia na roto i to ratou kōpu tangata, e te peu/'ākono'anga, māri ra, kare e meitaki ana to ratou 'irinaki'anga ki roto i te kavamani, e te tomo'anga ki roto i te turanga 'āpi'i, te turanga 'anga'anga-moni, e te turanga 'iki'anga.

Te 'akaāri katoa mai nei te 'akakitekite'anga e, ko te kōpae'anga tangata, teta'i pāruru ma'atama'ata rava atu, ki te turanga 'ātuitui'anga meitaki, i roto i Aotearoa. Te kite nei teta'i au putuputu'anga i te turanga kōpae'anga tangata, kino atu, mei te au 'iti tangata kimi ora'anga 'ōu (refugees), te au 'iti tangata 'ōu mei Ātia mai, e te Moana-nui-o-Kiva, te au metua kare o ratou tokorua, e te aronga kare e 'anga'anga-moni ana. E ma'ata te aronga te kite nei, i te au tū kōpae'anga tangata e mānganui, i roto i te tuātau 'okota'i, e te 'akamātūtū atu nei teia i to ratou turanga ngākau tau'ētono. Teia te 'ākara'anga, te kite nei te va'ine, e te au putuputu'anga ānuanua (LGBTQIA+) i te kōpae'anga tangata ma'ata rava atu, māri ra, e au peu tūkētūkē rāi tei kite'ia, e te aronga tei roto i teia au putuputu'anga, no runga i to ratou turanga 'iti tangata, me kore ra, turanga pakipakitai.



Te 'akakite katoa mai nei te 'akakitekite'anga e, ka tau te au turanga arataki 'anga'anga, i roto i te kavamani, e te turanga tauturu 'iti tangata, kia ka'iro'iro'ia atu, ki teta'i atu au 'iti tangata. Ka 'akaāri meitaki ake teia, i te katoa'anga o te 'iti tanga i roto i Aotearoa.

E tutuki'anga rāi ta te COVID-19, i rave ki runga i te turanga 'ātuitui'anga meitaki, i roto i Aotearoa, e te vai ra te turanga meitaki, e te turanga kino. Teia te 'ākara'anga, kua 'anga'anga ta'okota'i te au 'oire tangata i te tauturu, i teta'i i teta'i, māri ra, e ma'ata te aronga kare i kite mata-ki-te-mata ake, i to ratou kōpu tangata, e to ratou ai taeake, e kua 'akakake te toto'anga maki, i te au manatamanatā kōpapa, e te au manananatā no te roro. Te tupu nei rāi teta'i atu au manamanatā no runga i te toto'a'anga COVID-19.

